

芥素堂文集

第二函
五冊

養素堂文集卷二十七

老威張 澍介侯

墓表

誥贈奉直大夫晉贈中憲大夫王西園先生墓表

嗚呼此吾西園先生之佳城也先生以碩學穆行陷於運
未克章達以襮其才卒育良嗣爲國宣勞榮膺

褒贈含笑黃墟傳所謂有德者必有報其信然乎先生諱
繼謨字丕文又字西園昆季二人序爲伯繼世父敬宗公
嗣世父母卽世早不及養所恪奉者本生父母也性至孝
侍膝下先意察色盡力樂心夔夔孜孜二老欣然與弟允

若友愛翁和無閒其被分甘怡怡如也顧嗜讀書焚膏映雪摩精不勸嘗詣郡豐登書院從周蓮谿學雅重之謂曰子文有根柢氣體寬博大器也入庠後益攻苦凡經史諸子百家之書皆手鈔之提要鉤元畧不少輟四方知名士咸樂與敷衽嘗以歲時抵舍縱譚今古人文酒酣耳熱賤詩言志輒數曰不去而韓城王惺園相國寧州王檢齋司寇尤以文章相知好名在伯仲閒二公既顯貴先生獨艱於遇庚辰秋闈業中額以微疵見遺壬午薦不售癸酉選拔貢乙酉復薦仍擯落自此侍養高堂不復遠出館鄰邨呂氏宅生徒曰進復時時溫尋舊業丙戌遭父喪哀毀幾

損性飾終之礼慎密周詳明季戊子先生以降服服闋勉
赴秋賸猶冀獲雋以慰親心詎喪父之後繼丁母憂痛鉅
創深而成劇疾遂以不起厥配党恭人生子二長夢蘭次
楠方孩提而党恭人歿續娶張太恭人大荔名族也幼端
淑通曉大義年十七于歸相夫以敬事尊章恭順治家勤
儉撫前子如已出越七年而庭蓂生又數年而先生捐館
太恭人顧嫺嫺環侍義不可以從殉也乃躬自刻苦勸其
子以力學修脯膏火之需屢脫簪珥以給之叔氏不善持
籌售良田過半有勸以分析可少畱先人遺業者太恭人
達謂諸子曰我家十餘年來一門和睦築室無嫌姪子女

皆我所平日撫視者一旦各舉情實不忍且非汝父心苦則同苦耳汝等果能奮志讀書出人頭地則我願足矣厥後庭蓐舉甲寅鄉試已未成進士分隸兵部觀政恭逢慶典

誥贈先生爲奉直大夫恭人爲太宜人旋太恭人就養京師督理家政端緒艷如以楠歿遂返里勤劬瑣務如曩時癸亥甲子歲連歉邨人多鬻妻子以謀旦夕者太恭人輒給與升斗俾仍完聚丙寅以後大飢斗米千餘錢有司設粥廠救荒並諭紳民有力者隨地施粥太恭人數以銀米付邨東粥廠全活無算大吏旌其門庭蓐補職方司主事

太恭人以書戒之曰爲官須勤慎供職不可躁進有失主
君子品又曰官想不貧便非好官薦紳大夫聞者咸嘆息
以爲知大體旣而庭蓐游升員外郎中遷御史授江西建
昌府知府循聲遐播豈非勸教之驗乎乃遽於嘉慶九月
卒祔葬西園先生之塋嗟夫士君子舍和蘊璞宜騰驤于
時出所學以理物乃竟蹇偃不偶賁志以終詎不賴有賢
子孫哉先生雖沈淪而庭蓐能象賢以顯揚此天之所以
報潛德也余故揭其梗概以表之于阡

馳贈朝議大夫允若王君墓表

王君諱某字允若現任直隸保定府知府庭蓐之叔父也

賤性恂謹幼從其兄西園先生學循循規矩奉若嚴師繼
從豐登書院山長蓮谿周先生受業先生器重之曰爾與
兄聯璧也拾青紫何難當是時厥考翁年邁食指浩繁歲
入不敷君慨然曰讀聖賢書所學何事今父劬錄子乃窳
逸情何以堪於是屏當瑣銳以計研誦跋涉吳越獲有贏
餘以奉甘旨而西園先生亦得以專壹於學書曰遠服賈
用孝養厥父母厥父母慶君之謂也既而父母先後謝世
君哀毀柴太自舍殮至紼謳竭情盡礼論者韙之其事兄
也因心篤慶孔懷急難不啻如事父焉何西園先生歿
遺孤弱小君鞠育恩勤同於所生時誠之曰余家自先世

以耕讀爲業列黌序者代不乏人汝父雖以選貢終而有聞於時今家道淪替余自肩承汝等其益孟晉於學無以家事縈慮以故子姪皆散厲矜憚分陰夢蘭入庠有聲庭塾捷南宮皆君督責所致也在簪瀟世盧毓二兄喪亡養育孤子以學行稱魏之山偉兄亡撫寡訓孤恩義甚篤不私產業君之制行庶幾似之且性好施與遇里鄙貧困不恡罄囊之欣嘗曰吾先世如此安可及余身而廢之其篤厚也如此君既卒歲在丁丑庭萼蒙

恩簡放江西建昌府知府恭逢

萬壽覃恩乃呈請

賤贈君朝議大夫妻李氏賤贈恭人所以報君教養者至矣而庭蓼猶時時念之若歉於懷者余以爲君之行誼是可表也遂撫實書之以爲世勸

勅封文林郎晉封奉政大夫隆德縣儒學訓導謝君

暨 誥贈宜人陳太君墓表

代王春浦尙書

君諱鏊字文三別字雲峯涼州府鎮番縣人謝姓始祖天眷由歲貢任寧夏府學訓導二世祖奇學由文生中式前明丙子科奎舉任山西大同府守備有名魁者舉順治庚子科奎鄉試任湖廣長沙府千總所在簪衮績君之高祖也曾祖黃中庠生祖元亨其本生父宗孔字子希亦庠生

以孫貴

貤贈奉政大夫母李宜人

貤贈太宜人生子三伯鋐季鋈皆庠生君其仲也君幼繼叔父維祺公善事之不異所生友于兄弟推財讓產宗鄣稱焉君邃學術蒞事有才幹他人視爲盤錯者君批竅導郅如庖丁解牛中桑林之舞而性愛弘獎以扶植後進爲懷隨材提飾咸受裁成不問束脯皆令坐春風而大雪其太教有脊雖蘇湖條規無以過也尤重行誼以佻達爲戒嘗舉朱子小學諸則爲之訓迪是以從遊者化喬僿而歸彬彬雅爲文博大昌明掃浮廊嵬瑱之習一時掇巍科皆素

承其指授者邑舊有蘇山書院旋興旋廢君謀諸邑令偕同志捐貲廣設義田供師生膏火費遇有寒畯輒推解資助俾竟其業成就者甚眾

高宗純皇帝辛卯年予奉

命主陝西鄉試君之冢子葆霽獲售揭曉來謁因得悉其家世及君之行誼丁未年葆霽蒙

恩旨挑發山東以知縣用歷署劇縣有名跡後補安丘令凡所以厲士撫民者一本諸庭訓大府以爲能舉治行弟一時君迎養官署猶頻頻誠勉恐拂百姓有孤

朝廷恩歲庚戌恭逢

萬壽覃恩 勅封文林郎晉封奉政大夫配陳氏贈孺人
晉贈宜人適值縣弧之辰邑士大夫暨庶民咸稱觥爲遐
耆祝君則慊慊如不勝蓋秉謙服礼其天性也越二載西
歸家居頤性接物以和不激不隨解紛排難鄰里賴之平
雖耄猶曰手一編以自娛時與名流相接酒酣耳熱抵掌
論文上下古今縱橫博辯洪河壯浪一瀉千里四座爲傾
君則掀髯徐理疑竇白馬碧雞飛詞如雲其豪上如此當
君選廣文時戚友咸勸駕君則曰吾豈以苜蓿盤易吾志
乎而何人之不可策鋁乎因謝去不出督課子弟昕夕靡
暇管人楹書教子櫝研貽孫君之以遺經傳後庶幾似之

戊午歲長孫集成舉順天鄉試歸省族友趨賀

紫綽在堂君精神矍鑠持觥喜溢絲竹要眇賓朋動色咸
以爲積善之報云嘉慶五年正月二十三日以微疾易簀
距生於康熙五十六年正月二十六日享年八十有四配
宜人名家子嫻內政順於尊章惠於宗族其事詳載別紀
以合葬故得並書有子三人長卽葆壽任山東青州府安
丘縣知縣次葆訓增廣生次葆春庠生孫十人葆壽出者
二集成中順天戊午科舉人集梧優廩生葆訓出者四集
慶集灝皆增廣生集祉集美業儒葆春出者四集祐集統
集鷺集璋均業儒曾孫五俱幼所謂能世其家者因爲表

之而并書其名於石系之以辭曰嗚呼此白亭謝仲之墓而以德配祔

誥封叅德騎尉茂萼李君墓表

君諱芍字茂萼陝西鳳翔府岐山縣人李姓祖賓有隱德不仕父文徵業農以長者稱于鄉里君幼而岐嶷不好弄讀書穎悟有慧心時出一解爲宿儒之所未及塾師甚器之洎童子試屢躋顧爲文益奇卒艱于一遇乃棄去嘆曰經明行修博上第服官食祿天庾以遂顯揚學人之志也卽不能從事南畝塗足沾體雖則劬勞常依膝下奉薦滫澠古之人有行之者吾何必爲腐儒乎遂服耜課晴雨不

辭夏畦之病時市甘鮮以頤二人親族稱焉嘉慶八年以子貴

勅封爲孝德騎尉戚黨赴賀咸以爲茂德之所致君則嘽然顧萬年曰吾家世寒微今得蒙

朝廷恩汝其祗敬厥職無負

國以爲鄉閭羞以故萬年服官謹操守不妄取尤矜恤士卒戎行多謳歌之所交多知名士蓋皆稟君之訓也君有弟二仲曰秀梅次曰煥梅君愛之甚飲食與俱不忍須搖離雖姜肱共被不昃逾也于十二年四月二十四日以微疾易簀距生于乾隆四年六月二十三日享年六十有八

娶梁氏無子次娶張氏再娶王氏皆先君卒張氏生子一
即萬年現任督標前營守備王氏生子二萬枝萬盈系以
辭曰

惟君德頤不以揚知君後嗣必保大以昌予謹書其文于
墓石之陽曰時李君之藏

誄

馬素軒文彬貢士誄

有序

夫豪曹彗汜經折而益曜霜芒徹尾流膏遭碎而猶騰虹
氣何者萬辟千灌粦藻自繁五穀十區理孚兼勝矧乃性
情準諸律秣弗尙摸蘇臠眈得其柅繩未嘗踰萬而復聚

沙鬯教縈帶草於不其仰屋箸書集雀鰓於講舍一旦塵
霾蝨簡洞掩謨觴響寥蝸徽魂歸梁甫能不鬱懷填肌躑
躑青鳥之墳悲緒盈衿裴裒丹旄之路哉繫惟素軒先生
吾里之宿儒也志尙通亮操履約清秉德而不嫌仁含龢
又以缸信采蘭鄂棣艷艷於庭闈斂衽整巾翼翼於臧爻
經廟狗曲化粉澤與橘櫟文造鳳樓姍疥蟆與封橐可不
謂龍城之圭臬鹿塞之范甄乎胡天不惠斯人曰終醫失
秦和星降張軫關屯虎豹瘳戾龍蛇春秋五十又五卒於
嘉慶庚午歲乙酉月戊子日嗚呼古而無死曠節誰匿今
也則亾翼神欲表白眉宛宛黃腸沈沈草腐螢飛松摧鶴